



Empowered lives.
Resilient nations.

MEMORANDU ENTENDIMENTU ENTRE CONSELHO DE IMPRENSA DE TIMOR-LESTE HO AJÉNSIA NASÕENS UNIDAS PROGRAMA BA DEZENVOLVIMENTU (UNDP) NO RÁDIO TELEVIZAUN TIMOR-LESTE EMPRENSA PUBLIKA, KONA-BA IMPLEMENTASAUN PROGRAMA TALK SHOW “LIBERDADE IMPRENSA HA’U NIA LIBERDADE”.

Implementasaun Programa Liberdade Imprensa Ha’u Nia Liberdade sei hahu iha fulan Marsu too fulan Dezembru tinan 2018, ne’ebé tuir mai sei hatu’ur iha Nota Intendementu (NdI) ida. Nota Intendimentu ne’e asinadu hosi Prezidente Conselho de Imprensa ho Prezidente Conselho Administrasaun RTTL,EP nomós Xefi Asesor Tekniku Eletoral UNDP, iha loron 28 fulan Feveiru tinan 2018, iha Dili.

Conselho de Imprensa de Timor-Leste (C.I) representa hosi Prezidenti, Virgílio da Silva Guterres, no tuir mai sei bolu nu’udar parte dahuluk.

Rádio no Televizaun Timor-Leste, Emprensa Públika (RTTL,EP) representa hosi Prezidente Conselho Administrasaun, Gil da Costa, no tuir mai bolu nu’udar parte daruak.

Ajénsia Nasões Unidas ba Programa Dezenvolvimentu (UNDP) representa hosi Xefi Asesor Tekniku ba Programa Eleitoral UNDP, Sr. Andres del Castillo Sanchez, tuir mai bolu nu’udar parte datoluk.

Parte tolu ne’e konkorda ona kondisaun sira hanesan regula iha artigu sira tuir mai:

**Artigu 1.º
Funsau**

Nota Intendimentu ida-ne’e nia funsau atu garante implementasaun Programa Liberdade Imprensa Ha’u Nia Liberdade.

**Artigu 2.º
Objetivu**

1. Hasa’e koñesimentu publiku, jornalista, órgaun no meius komunikasaun sosiál nian kona-ba implementasaun lei komunikasaun sosiál nomos regulamentu hirak ne’ebé publika iha jornál da Republika, inklui assuntu relevante ne’ebé iha relasaun ho jornalista, orgaun no meius komunikasaun sira nia kna’ar.
2. Bolu atensaun publiku nian atu asegura liberdade imprensa no liberdade espresaun iha Timor-Leste.
3. Hasa’e kapasidade krítiku jornalista sira nian atu promove demokrasia liuhosi debate televizivu iha kanal RTTL,EP

Virgilio da Silva Guterres *Gil da Costa*

Artigo 3.º
Responsabilidade Conselho de Imprensa no UNDP

1. Conselho de Imprensa ho UNDP sei prepara tópiku no matéria ne'ebé relevante iha kada epizódio no organiza oradores sira hodi partisipa iha debate.
2. Conselho de Imprensa mak sei modera debate.
3. Conselho de Imprensa ho UNDP sei prepara nesesidade hanesan bee no hahan kik ba orador sira inklui equipa serbisu RTTL,EP.
4. UNDP mak sei responsabeliza ba kustu tekniku hamutuk dolar Atus Ualu (\$800,00) ba kada epizódio hahu hosi fulan Marsu to'o fulan Jullu tinan 2018. Total epizódio hamutuk sanolu (10) ho kustu hamutuk dolar Rihun Ualu (\$8000,00)
5. Conselho de Imprensa mak sei responsabeliza ba kustu tekniku hamutuk dolar Atus Lima (\$ 500,00) ba kada epizódio, hahu hosi fulan Agostu to'o fulan Dezembru tinan 2018. Total epizódio hamutuk sanolu (10) ho kustu hamutuk dolar Rihun Lima (\$5.000.00).
6. Conselho de Imprensa no UNDP mak sei responsabiliza orssmentu hodi instala background estudiu tuir formatu programasaun.

Artigo 4.º
Responsabilidade RTTL,EP

1. RTTL,EP mak responsabiliza ba pessoal tekniku, equipamentu tekniku inklui preparasaun fatin.
2. RTTL,EP mak garantia qualidade gravasaun nomós ninia transmisaun.
3. Kopia video

Artigo 5.º
Na'in ba Programa

1. Na'in ba Programa Liberdade Imprensa Hau Nia Liberdade mak Conselho de Imprensa de Timor-Leste (CITL) no Radio Televizaun de Timor-Leste, Empreza Públiku (RTTL,EP).
2. Konteudu Programa Liberdade Imprensa Hau Nia Liberdade nu'udar responsabilidade ba Na'in Programa nian.

Artigo 6.º
Panorama implementasaun

1. Programa Liberdade Imprensa Ha'u Nia Liberdade iha espizódio 20, ne'ebé kada fulan iha epizódio rua, hahu iha fulan Marsu too fulan Desembru tinan 2018.
2. Kada epizódio sei uza tempu menuu 60 ne'ebé sei fasilita hosi moderador ida.
3. Kada epizódio sei kompleta ho segmentu video minuutu 3 to'o 5 ne'ebé prepara hosi ekipa Conselho de Imprensa.

Artigo 7.º
Formatu no Run Down

A. Formatu

Programa Liberdade Imprensa Ha'u Nia Liberdade ho objetivu atu hadait informasaun hirak ne'ebé importante relasiona ho kna'ar hosi Conselho de Imprensa, Órgaun no Meius Komunikasaun Sosiál, Kna'ar Jornalista nomos oinsa atu garantia públiku ninia direitu atu hetan informasaun ne'ebé los no lolos, tuir kodígu konduta jornalística. Alem de ne'e atu kapasita jornalista sira ninia hanoin kritíku.

 

1. Loron gravasaun : Sesta-feira iha semana dahuluk no datoluk
2. Loron/oras transmisaun : Quarta, feira iha semana daruak no dahaat iha 07h00-08h00 kalan
3. Formatu : Gravadu/ full Blocking
4. Fatin : Estuidu RTTL,EP, Caicoli, Dili
5. Lian : Tétum
6. Tarjetu rona nain : Públiku em geral

B. Run Down

Atu fasilita programa ne'e bele atinji ninia objetivu inklui remata tuir tempu, sei halo tuir ninia lalaok ka run down TOR ba programa neé.

Oras	Atividade	Observasaun	Crew
07.00-07.25	Abertura debate TV	- Bumper Programa - Abertura husi apresentador continua ho perguntas primeiro to'o terxeiru..... - Apresentador fo intruksaun konaba Mini reportagen	MCR (Grafis) / Kameraman
07.25-07.30	Mini reportagen	Prepara hosi CI/UNDP Stike programa debate	MCR / Kameraman
07.30-07.45	Kuntinua debate / diskusaun	- Apresentador hase hikas telespetadores sira kuntinua fali ho perguntas..... - Mini reportagen	MCR / Kameraman
07.45-07.50	Mini reportagen	Prepara hosi CI/UNDP Stike programa debate	MCR / Kameraman
07.50-07.57	Kuntinua Debate / Diskusaun	- Apresentador hase hikas telespetadores sira kuntinua fali ho perguntas..... - Apresentador halo rezumu no taka socializasaun	MCR / Kameraman

Artigo 8.^o Kompensasaun Finanseira

Iha kompremisu kooperasaun ne'e parte tolu la iha dever fo kompensasaun finanseira ba buat sira seluk.

Unigils 

Dokumentu ida ne'e iha exemplar tolu, no kada ida-idak vale hanesan original. Parte sira sei asina hamutuk, hosi parte tolu ne'e, kada exemplar ida, tenki entrega kedas ba parte ida-idak.

Dili, 28 Feveireiru 2018



Virgílio da Silva Guterres
Prezidente Conselho de Imprensa



Gil da Costa
Prezidente Conselho Administraçaun RTTL,EP



Andres del Castillo Sanchez
Xefi Asesor Tekniku Eleitoral UNDP